

A Kalibutanon o Langitnong Pang Huna-huna?

❖ Pokus (Colossians 3:1-4)

- Sugod sa kamatuoran nga kita nabanhaw uban kang Cristo pinaagi sa bautismo (Col. 2:12), giawhag kita ni Pablo nga mosunod kang Jesus ngadto sa dapit diin Siya miadto human sa iyang pagkabanhaw—ang trono sa Dios (Col. 3:1).
- Siyempre, mahimo lamang nato kini sa pisikal nga paagi kung kuhaon kita ni Jesus didto sa iyang Ikaduhang Pagbalik (Col. 3:4). Samtang naghulat kita niana nga panahon, kinahanglan itutok nato ang atong panan-aw—ang atong tumong—sa mga butang nga langitnon (Col. 3:2).
- Kita “namatay na,” ug ang atong kinabuhi “gitago uban kang Cristo diha sa Dios” (Col. 3:3). Ang kinabuhi nga gihisgutan dinhi mao ang bag-ong kinabuhi nga atong madawat sa dihang modawat kita kang Cristo.
- Apan kana nga kinabuhi, aron magpadayon nga buhi, kinahanglan atimanon ug palig-onon matag adlaw (2 Cor. 4:16). Busa matag adlaw kinahanglan pangitaon nato ang “mga butang sa itaas,” ug itutok ang atong mga mata kang Jesus (Heb. 12:2)..

❖ Pagpatay sa mga Butang nga Kalibutanon (Colosas 3:5-6)

- Tungod kay nabanhaw kita uban kang Cristo ug nagkinabuhi nga naghunahuna sa mga butang nga langitnon, kinahanglan patyon nato ang mga butang nga makababag sa pagtuman sa atong tumong—ang mga butang nga kalibutanon.
- Aron walay maglibog, gipakita ni Pablo ang pangunang mga pundasyon sa kalibutanong panghunahuna (nga iyang ipasabut pa sa mas klaro nga mga punto sa ulahi): “pakighilawas, kahugawan, pangibog, dautang tinguha, ug kahakog nga mao ang pagsimba sa dios-dios” (Col. 3:5 NIV).
- Ang kinaiya sa tawo wala kaayo mausab sukad sa panahon ni Pablo, tungod kay hangtod karon gilibutan gihapon kita sa mga tinguha ug pagbati nga mosupak sa letra ug espiritu sa Napulo ka Sugo.
- Ug ngano man kinahanglan “patyon”—biyaan ug wagtangon—kini nga mga butang sa atong hunahuna ug mga binuhatan? Tungod kay kini nagdala sa “kapungot sa Dios,” ug busa dili kini angay sa atong langitnong kinaiya (Colosas 3:6).
- Patya ang kalibutanon nga kinaiya sa dili pa ikaw patyon sa kalibutan!!

❖ To cloth oneself with the celestial (Colossians 3:7-11)

- Sa estilo sa mga panultihon, gidugangan ni Pablo ang lima ka pundasyon sa kalibutanong panghunahuna ug lima pa ka kalibutanong binuhatan nga likayan: “kasuko, kapungot, pagdumot, pagpanamastamas, ug mahugaw nga sinultihan” (Col. 3:8 NIV), ug gitapos niya kini sa ikaunom nga buhat—ang pinakagrabe sa tanan: “Ayaw kamo pagbakakay sa usag usa” (Col. 3:9 NIV).
- Nagtuo si Pablo nga gibiyaan na nato ang daang pagkatawo uban sa iyang mga binuhatan (Col. 3:9). Atong gihubo ang atong “hugaw nga bisti” sa dihang gitugotan nato si Jesus nga mokuha sa atong mga sala (Zacarias 3:4).
- Human mahuboan sa daang mga bisti, kinahanglan magsul-ob kita ug “bag-ong bisti.” Sa dihang magsul-ob kita niini nga bag-ong kinaiya, padayon kitang nabag-o ug nagtubo sa pagkabalaan adlaw-adlaw (Col. 3:10).
- Samtang nabag-o kita pinaagi sa buhat sa Espiritu Santo ug sa pagtuon sa Pulong sa Dios, ang mga babag nga nagbulag kanato sa usag usa mawagtang (Col. 3:11).

B Mga Kinaiya sa Bag-ong Kinabuhi Diha Kang Cristo:

❖ Ang Bugkos sa Kahingpitan (Colosas 3:12–14)

- Kita mao ang “piniling katawhan sa Dios, balaan ug hinigugma pag-ayo” (Col. 3:12 NIV). Si Pedro nag-ingon nga kini naghatag kanato dakong mga panalangin ug dako usab nga responsibilidad (1 Pedro 2:9).
- Apan unsa man ang kinaiya sa mga pinili sa Dios? (Col. 3:12–13.)?
 - (1) Malumo ug puno sa kaluoy (tender mercy)
 - (2) Mapinanggaon ug mapuanguron (kindness)
 - (3) Mapainubsanon (humility)
 - (4) Malumo ug dili mapahitas-on (meekness)
 - (5) Mapailubon (long-suffering)
 - (6) Magpasensiya sa usag usa (forbearing one another)
 - (7) Magpasayloay sa usag usa (forgiving one another)
- Ug kining tanan anaa sa sulod sa bugkos sa kahingpitan: ang gugma (Col. 3:14). Ug mao kini ang atong mga kaayohan ug responsibilidad:
 - (1) *KAAYOHAN (Benefit): Kung magkinabuhi kita sa ingon niini nga paagi, mahimo kitang panalangin sa uban ug sa atong kaugalingon.*
 - (2) *RESPONSIBILIDAD (Responsibility): Hinaut nga ang atong batasan makahatag himaya sa Dios, ug pinaagi niini maengganyo ang uban nga motoo ug mosunod kang Jesus*

❖ Ang Langitnong Pagkaon (Colosas 3:15–17)

- — Ang Colosas 3:15–17 nagpakita kanato unsaon pagpalig-on sa atong langitnong kinaiya (ug makita nato nga dili nato kini mapalig-on kung kita ra usa, kondili kinahanglan nato ang panaghiusa ug pakig-uban sa iglesia alang niini)::
 - (1) ugotan nga ang kalinaw sa Dios maghari sa atong kasingkasing
 - (2) Magpabiling nagkahiusa ingon usa ka lawas
 - (3) Magmapasalamat kanunay
 - (4) Magtuon pag-ayo sa Pulong sa Dios
 - (5) Magtinudloanay sa usag usa sa atong nakat-onan
 - (6) Mag-awit sa mga salmo, mga himno, ug espirituhanong mga awit
 - (7) Magbuhat sa tanang butang sa ngalan ni Jesus
- “Ang pag-awit usa ka hinagiban nga kanunay nato magamit batok sa pagkadiscourage. Samtang ginabuksan nato ang atong mga kasingkasing ngadto sa kahayag sa presensya sa Manluluwas, makakaplag kita ug kahimsog ug makadawat sa Iyang panalangin.” Ellen G. White, *The Ministry of Healing*, p. 196).